

ՀՈՒՇԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԼՈՒՈՒ ՄԱՐԶՊԵՏԱՐԱՆԻ ԵՎ
«ԲԻԶՆԵՍ ԵՎ ԿՐԹՈՒԹՅՈՒՆ ԳՈՐԾԸՆԿԵՐՈՒԹՅՈՒՆ» ՀԻՄՆԱԴՐԱՄԻ
ՄԻՋԵՎ

ք. Վանաձոր

«13» հուլիս 2019թ.

«Բիզնես և կրթություն գործընկերություն» հիմնադրամը (այսուհետ՝ Հիմնադրամ),
ի դեմս Հիմնադրամի խորհրդի նախագահ Մարինե Ժամկոչյանի

և

Հայաստանի Հանրապետության Լոռու մարզպետարանը (այսուհետ՝ Մարզպետարան),
ի դեմս մարզպետ Անդրեյ Ղուկասյանի
(երկուսը միասին այսուհետ՝ Կողմեր)

Հաշվի առնելով Հիմնադրամի՝ գերմանական «ՄԿՈՒ-համագործակցություն Հարավային
Կովկասում» ծրագրի հայաստանյան գործընկերը լինելու հանգամանքը,

Նպատակ ունենալով զարգացնելու համագործակցությունը մարզային ենթակայության
պետական հանրակրթական ուսումնական հաստատություններում մասնագիտական
կողմնորոշմանն ուղղված ծրագրերի իրականացման, նախնական (արհեստագործական)
և միջին մասնագիտական կրթության և կադրերի պատրաստման ոլորտում,

կնքեցին սույն Հուշագիրը հետևյալի մասին.

1. ՀՈՒՇԱԳՐԻ ԱՌԱՐԿԱՆ

- 1.1. Կողմերը համաձայնվում են համագործակցել Հայաստանի Հանրապետության օրենսդրությամբ, կանոնադրական փաստաթղթերով և սույն Հուշագրով սահմանված իրենց իրավասությունների շրջանակներում՝ միմյանց համարելով ռազմավարական գործընկերներ և ուղղելով իրենց ջանքերը կրթական, ուսումնական և նորարարական ոլորտներում համագործակցության զարգացմանը:
- 1.2. Կողմերի համագործակցությունը սույն Հուշագրի նպատակների իրականացման շրջանակում կատարվում է կամավորության հիմունքներով՝ ղեկավարվելով շահերի ընդհանրության, գործողությունների համաձայնեցվածության և կոնստրուկտիվ համագործակցության սկզբունքներով:
- 1.3. Կողմերի նպատակն է համագործակցության զարգացումը, ջանքերի միավորումը և կոորդինացումը հետևյալ հարցերի շուրջ.
 - Կրթության և տնտեսության միջև համագործակցության ամրապնդմանն ուղղված ծրագրերի իրականացում, մարզային ենթակայության պետական հանրակրթական ուսումնական հաստատություններում մասնագիտական կողմնորոշմանն ուղղված ծրագրերի մշակում և իրականացում, նախնական (արհեստագործական) և միջին մասնագիտական կրթության նորմատիվ իրավական բազայի և նախնական (արհեստագործական) և միջին մասնագիտական կրթության կրթական ծրագրերի մշակում և կատարելագործում:
 - արհեստագործական մասնագիտությունների գծով կադրերի պատրաստմամբ զբաղվող ուսումնական հաստատությունների ուսումնամեթոդական և նյութատեխնիկական բազայի ամրապնդում, մասնագիտական կրթական հաստատությունների վարպետ-ուսուցիչների, մարզային ենթակայության պետական հանրակրթական ուսումնական հաստատություններում ուսուցիչների վերապատրաստմանն աջակցություն:
 - աշխատանքի շուկայում շրջանավարտների մրցունակության բարձրացմանը, արհեստագործական ոլորտները որակավորված մասնագետներով և աշխատողներով ապահովելուն ուղղված համատեղ միջոցառումների կազմակերպում,
 - մասնագիտական կրթական հաստատություններում, մարզային ենթակայության պետական հանրակրթական ուսումնական հաստատություններում «աշակերտական ընկերությունների» ստեղծում և աջակցություն,

- կրթական հաստատությունների և գործող կառույցների համագործակցության ձևավորում ու ամրապնդում:

2. ԿՈՂՄԵՐԻ ՊԱՐՏԱԿԱՆՈՒԹՅՈՒՆՆԵՐԸ

2.1. Մարզպետարանի պարտականություններն են.

- 2.1.1. օժանդակել արհեստագործական մասնագիտությունների գծով մասնագետների նպատակային նախապատրաստմանը և հմտությունների զարգացմանը, տրամադրել հարթակ՝ նախնական (արհեստագործական) և միջին մասնագիտական կրթության ուսումնական հաստատությունների ուսանողների համար իրենց գիտելիքներն և հմտությունները գործնականում ներկայացնելու և ամրապնդելու համար,
- 2.1.2. աջակցել մասնագիտական կադրերի վերապատրաստման դասընթացներին, համատեղ սեմինարների, քննարկումների, հանդիպումների և խորհրդատվությունների կազմակերպմանը,
- 2.1.3. աջակցել մասնագիտական կրթական հաստատություններում, մարզային ենթակայության պետական հանրակրթական ուսումնական հաստատություններում «աշակերտական ընկերությունների» ստեղծմանը,
- 2.1.4. մասնակցել համատեղ տեղեկատվական-վերլուծական, ուսումնական և խորհրդատվական գործունեության իրականացմանը,
- 2.1.5. իրականացնել Հուշագրի նպատակներից բխող այլ անհրաժեշտ գործողություններ:

2.2. Հիմնադրամի պարտականություններն են.

- 2.2.1. ցուցաբերել օժանդակություն՝ նախնական (արհեստագործական) և միջին մասնագիտական կրթության ուսումնական հաստատություններում նոր մասնագիտությունների ներդրմանը,
- 2.2.2. նպաստել մասնագիտական կադրերի վերապատրաստման համատեղ սեմինարների, քննարկումների, հանդիպումների և խորհրդատվությունների կազմակերպմանը,
- 2.2.3. համապատասխան մասնագիտությունների գծով կադրեր պատրաստող մասնագիտական կրթական հաստատությունների հետ համատեղ օժանդակել

սովորող երիտասարդների շրջանում մասնագիտական կողմնորոշման աշխատանքների կազմակերպմանը, մարզային ենթակայության պետական հանրակրթական ուսումնական հաստատություններում մասնագիտական կողմնորոշմանն ուղղված ծրագրերի իրականացմանը,

- 2.2.4. օժանդակել կրթության և տնտեսության համագործակցության ամրապնդմանը,
- 2.2.5. աջակցել կրթության զարգացմանը՝ գործնական աշխատանքների հիման վրա,
- 2.2.6. աջակցել մասնագիտական կրթական հաստատություններում, մարզային ենթակայության պետական հանրակրթական ուսումնական հաստատություններում «աշակերտական ընկերությունների» ստեղծմանը,
- 2.2.7. օժանդակել երիտասարդների աշխատաշուկա մուտք գործելուն՝ ապահովելով բարձր որակավորում, ինչպես նաև ուղղորդելով դեպի կազմակերպություններ, որտեղ կա պահանջարկ:

3. ՀՈՒՇԱԳՐԻ ԳՈՐԾՈՂՈՒԹՅԱՆ ԺԱՄԿԵՏԸ

- 3.1. Սույն Հուշագիրը կնքվում է անորոշ ժամկետով և ուժի մեջ է մտնում երկկողմ ստորագրման պահից:
- 3.2. Կողմերից յուրաքանչյուրը իրավասու է հրաժարվել Հուշագրի կատարումից, ուղարկելով մյուս Կողմին իր այդ մտադրության վերաբերյալ գրավոր ծանուցում ոչ ուշ, քան հրաժարվելուց երեք ամիս առաջ, կարգավորելով Հուշագրի գործողության ընթացքում առաջացած պարտականությունների իրականացման կարգը:
- 3.3. Կողմերի փոխադարձ համաձայնությամբ սույն Հուշագրում հնարավոր է կատարել Հուշագրի անբաժանելի մասը կազմող փոփոխություններ և լրացումներ՝ լրացուցիչ համաձայնագիր ստորագրելու միջոցով:

4. ԱՅԼ ՊԱՅՄԱՆՆԵՐ

- 4.1. Կողմերը համագործակցում են Հայաստանի Հանրապետության օրենսդրության համաձայն՝ հիմնվելով փոխադարձ հարգանքի, հավասար իրավունքների, գործընկերության սկզբունքների վրա:
- 4.2. Սույն Հուշագիրը չի ազդում Կողմերի մասնակցությամբ այլ պայմանագրերից բխող Կողմերից յուրաքանչյուրի իրավունքների և պարտականությունների վրա և

Կողմերի միջև չի առաջացնում որևէ գույքային և/կամ ֆինանսական պարտականություն:

- 4.3. Սույն Հուշագրի շրջանակներում կողմերի քաղաքացիաիրավական գործարքի բնույթ կրող փոխհարաբերությունները (փոխհաշվարկները) միմյանց միջև և /կամ երրորդ անձանց հետ, պետք է ձևակերպած լինեն առանձին պայմանագրերով ՀՀ գործող օրենսդրության համաձայն:
- 4.4. Սույն Հուշագրի պայմանները և Հուշագրի հետ փոխկապակցված այլ անձի հրապարակման ոչ ենթակա գործունեության մասին տեղեկատվությունը գաղտնի է: Կողմերը պարտավորվում են չբացահայտել նման տեղեկատվությունը այլ անձանց և այն չօգտագործել սույն Հուշագրի իրացման հետ կապված որևէ նպատակով:
- 4.5. Հուշագիրը կազմված է հայերեն: Հուշագիրը կնքվում է հավասարազոր իրավաբանական ուժ ունեցող երկու օրինակից. Կողմերից յուրաքանչյուրին տրվում է Հուշագրի մեկ օրինակ:

5. ԿՈՂՄԵՐԻ ԱՏՈՐԱԳՐՈՒԹՅՈՒՆՆԵՐԸ

«ԲԻԶՆԵՍ ԵՎ ԿՐԹՈՒԹՅՈՒՆ
ԳՈՐԾԸՆԿԵՐՈՒԹՅՈՒՆ» ՀԻՄՆԱԴՐԱՄ

ԳԵՐՄԱՆԱԿԱՆ

«ՄԿՈՒ-ՀԱՄԱԳՈՐԾԱԿՅՈՒԹՅՈՒՆ
ՀԱՐԱՎԱՅԻՆ ԿՈՎԿԱՍՈՒՄ» ԾՐԱԳԻՐ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԼՈՒՈՒ ՄԱՐԶՊԵՏԱՐԱՆ

Խորհրդի նախագահ՝

Ծրագրի ղեկավար՝

Մ. Ժամկոչյան



Մարզպետ՝

Ա. Ղուկասյան

